

**Razvojna banka Federacije
Bosne i Hercegovine
Predsjednik Uprave**

Broj: 0420-III/26

Sarajevo, 15.01.2026. godine

Na osnovu člana 20. Statuta Razvojne banke Federacije Bosne i Hercegovine, člana 22. Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 0871-1-II/24 od 19.01.2024. godine, Pravilnika o izmjeni Pravilnika o javnim nabavkama roba, usluga i radova u Razvojnoj banci Federacije Bosne i Hercegovine broj: 1534-II/25 od 10.02.2025. godine, a u vezi sa odredbama člana 69. stav (2) tačka a) i člana 70. Zakona o javnim nabavkama Bosne i Hercegovine ("Službeni glasnik BiH", br. 39/14, 59/22 i 50/24) i preporuke Komisije za nabavke iz Zapisnika o pregledu i ocjeni ponuda broj: 0369-XII/26 od 14.01.2026. godine, Predsjednik Uprave donosi

ODLUKU

o poništenju postupka javne nabavke „Konsultantske usluge u oblasti upravljanja IKT sistemom i IKT rizikom (Usklađivanje poslovanja Razvojne banke Federacije BiH sa novom Odlukom Agencije za bankarstvo Federacije BiH)“

Član 1.

Prihvata se preporuka Komisije za nabavke iz Zapisnika o pregledu i ocjeni ponuda broj 0369-XII/26 od 14.01.2026. godine i poništava se konkurentski zahtjev za dostavu ponuda za javnu nabavku „Konsultantske usluge u oblasti upravljanja IKT sistemom i IKT rizikom (Usklađivanje poslovanja Razvojne banke Federacije BiH sa novom Odlukom Agencije za bankarstvo Federacije BiH)“, s obzirom da u određenom krajnjem roku nije dostavljena nijedna ponuda.

Član 2.

U skladu sa članom 70. stav (6) Zakona o javnim nabavkama, Ugovorni organ- Razvojna banka Federacije BiH će objaviti ovu Odluku na svojoj web stranici www.rfbih.ba.

Član 3.

Ova Odluka stupa na snagu danom donošenja.

OBRAZLOŽENJE

Odlukom broj 12289-III/25 od 14.11.2025. godine, prvi put je pokrenut postupak javne nabavke „Konsultantske usluge u oblasti upravljanja IKT sistemom i IKT rizikom (Usklađivanje poslovanja Razvojne banke Federacije BiH sa novom Odlukom Agencije za bankarstvo Federacije BiH)“ za potrebe Razvojne banke Federacije BiH.

S obzirom da dostavljene ponude ponuđača u predmetnom postupku nisu bile prihvatljive, postupak je poništen Odlukom broj: 13337-III/25 od 08.12.2025. godine

Nakon što su se stekli zakonski uslovi, te na zahtjev Službe informatike, postupak je ponovno pokrenut Odlukom broj 14024-III/25 od 24.12.2025. godine.

Obavještenje o nabavci predmetnih usluga objavljeno je na Portalu javnih nabavki dana 29.12.2025. godine, broj obavještenja: 1011-7-2-286-3-113/25 (*Službeni glasnik BiH, broj: 1/26 od 09.01.2026. godine*).

Tenderska dokumentacija objavljena je zajedno sa obavještenjem na Portalu javnih nabavki.

Odlukom v.d. Predsjednika Uprave Razvojne banke Federacije BiH, broj: 1763-III/25 od 14.02.2025. godine, Odlukom o izmjeni Odluke o imenovanju Komisije za nabavke Razvojne banke Federacije BiH broj 7310-III/25 od 30.06.2025. godine i Odlukom o izmjeni Odluke o imenovanju Komisije za nabavke Razvojne banke Federacije BiH broj 8818-III/25 od 12.08.2025. godine imenovana je Komisija za nabavke Razvojne banke Federacije BiH, a kojom su definisane njene nadležnosti koje uključuju poslove otvaranja, pregleda i ocjene ponuda, te davanje preporuke za odabir najpovoljnijeg ponuđača.

Komisija za nabavke u okviru svojih nadležnosti i ovlaštenja je provela predmetni postupak nabavke, saglasno članu 65. Zakona o javnim nabavkama, sačinila je Zapisnik o pregledu i ocjeni ponuda, te u skladu sa članom 69. stav (2) tačka a) Zakona o javnim nabavkama, preporučila da se predmetni postupak javne nabavke poništi, s obzirom da nije dostavljena nijedna ponuda u određenom krajnjem roku.

Imajući u vidu prethodno navedeno, a u skladu sa odredbama članom 69. stav (1) tačka b) i stav (2) tačka a) i članom 70. stav (1), (4) i (6) Zakona o javnim nabavkama ("Službeni glasnik BiH", br. 39/14, 59/22 i 50/24), odlučeno je kao u dispozitivu ove Odluke.

Pouka o pravnom lijeku: Protiv ove Odluke može se izjaviti žalba u roku od 5 (pet) dana, saglasno članu 97. 99. i 101. Zakona. Žalba se podnosi u najmanje 3 (tri) primjerka.

Predsjednik Uprave



Borislav Trlin